



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Stephani Thevpoli Bened. F. Patric. Veneti,
Academicarum Contemplationum Lib. X**

Piccolomini, Francesco

[Basel], 1590

VD16 ZV 12463

Quomodo in nobis producatur Scientia. C. 12.

urn:nbn:de:hbz:466:1-12918

obscura opinio, ex sensu consurgens. Quæ sententia dum recte intelligitur, vera est: nam loquitur tunc Plato de virtute imaginandi phantastica, de opinione tenui, & obscura; nō de ea, quæ ex ratiocinatione consurgit. Aristoteles eum carpens, de opinione alia loquitur, quæ ex ratiocinatione consurgit; ideo inquit in cont. 159. Apparent autem per imaginandi vim sæpe falsa, de quibus simul opinionem, siue existimationem veram habet: ut appareat Sol vnius pedis; persuasum autem est, eum maiorem esse vniuersa terra. Hæc Aristot. per quæ patet eum in verbis carpere Platонem, & Sophisticè; cùm secūs accipiat nomen opinonis, ac id fiat à Platone.

Quomodo in nobis producatur scientia.

CAP. XII.

Natura ad hominis cognitionē pertinentia, in præcedentibus dicta sunt: supereft tamē adhuc, vt modum explicemus, quo scientia in nobis paritur; quæ consideratio viro studioso est apprimē necessaria. De qua hanc censeo Platonis fuisse sentētiā: Anima rationis particeps, cui ab æterno leges fuerunt ostensæ; hoc est, cui rationes omnes ideis respondentes, fuerunt insertæ; in humano corpore, quasi in campo obliuionis recepta; propè flumen negligentiæ, hoc est propè fluxum humorum

Z 3

collocata; ex quo in ea varia perturbationum genera consurgunt, quæ sunt causa, ut anima suimet obliuiscatur, suaque negligat. Ita, inquam, anima constituta: quasi dormiens, & ebria; dormiens, antequam excitetur; ebria, antequam excitata purgetur; incipit ab externis sensibilibus moueri, & excitari; excitata ob scientiarum initia in se conseruata, incipit auidius scientiam expetere: sic omnis homo, per naturam, hoc est, per veri intrinsecus insertas rationes, scire desiderat; cuius desiderij non tam conuenientem caussam valent Peripatetici assignare. Anima verum, & scientias expetens, in rerum externis imaginibus versatur, in quibus verisimile refulget; eas inter se per ratiocinationem pro facultate distinguit; & si in aliquo conueniunt, in unum colligit. Sic coniunctum in multa sciungens, multaque in unum redicens, eò usq; progreditur, ut per verisimile ad verum eleuetur; essentiamque rei ab omni, vel aliena, vel contraria qualitate sciumentam attingat, in ratione, & idea refulget. Ex quo contactu sibi apprimè salutari, tāquam ex reditu in propriam naturam, optimaque dispositionem, incomparabili quadam lētitia perfunditur; adeoque exultat, ut umbras omnes negligat, & paruipēdat. Tunc vere cognoscit, quod, dum homo ad corporea respicit, in simulacris versatur, ad imagines cōuertitur; & quāmis multa se scire putet, tamen re vera nihil scit; sed tunc solum ad scientias

ciæ sublimem gradum eleuatur, cùm ideas attingit. Ex quo patet, quatuor hominum in ordine ad scientiam inueniri subordinatas dispositiones. Primo enim pueri, tanquam noui huius mundi hospites, se nil scire cognoscunt. Mox in ymbris, & imaginibus rerum naturallium versati, neque adhuc ad essentias rerum conuersi, cùm nihil sciant, multa tamen se sci-re existimant. Tertio ad superna conuersi, ea-que sola verè esse iudicantes, se nihil eorum scire affirmant, quæ primo existimabant se sci-re: in quo gradu se reperiri profitebatur Socrates, dum dicebat: Hoc vnum scio, quod nihil scio; cuius ignorantia, aliorū scientiæ præferenda est: quem ordinem indicauit Socrates, dum in Phædone dixit, se, dum primo in rebus naturalib. versabatur, putasse multa sci-re; in progressu tamen eò deuenit, ut se nil sci-re animaduerteret. Postremò per animæ acié ad ideas homines eleuati, cum eisque coniuncti, iam scientiæ splendore illustrati resulgent. Hinc constat, quid sit intellectus adeptus; quæ à longè conspexit Auerroes, & in cuius adeptione summum bonum collocauit. Nam duplex in anima consideratur adeptio: una sui ipsius; dum extrà progressa, in se, ad suasq; ra-tiones reuertitur: altera mentis; dum per ra-tiones cum ideis iungitur, & mente, tanquā formam adipiscitur. Dein ex his patet; quo modo vera scientia, quæ eadem intelligentia, & sapientia est; pietatem, & religionem parit:

Z 4

scientia enim nos ad mentem, & ad diuinæ leuat; cum eis animam copulat, cum quibus anima sola pura, recteque purgata coniungi valet; propterea ea coniunctio sine pietate, sanctitate, & religione, nec esse, nec seruari potest: adeò, ut pugnantia proferant; qui inquietunt, aliquem esse sapientem; sed impium, & à religione alienum.

An scire sit reminisci.

CAP. XIII.

Enquerter Plato', cùm in Menone tum alibi, scientiam esse reminiscétiam ostendit; & iure profectò. Cù enim à primo opifice manarint; à quo omne, quod effluit, perfectum est; animas quoque omni perfectione absolutas ab eo manasse, putandum est: animæ perfectio est scientia; quæ adeò est eius propria, ut seorsum ab ea, nec quidē iure anima dici mereatur. Quod etiam ex eo patet: quoniam externa accidentia, quæ sola sensibus usurpantur, nunquam ad substantiæ, internæque essentiæ cognitionem nos eleuarent; nisi in anima nostra rationes formæ rerum essent insertæ, eiique essent familiares. Neque tam facile per excitationes, per interrogations, & responsiones, in nobis excitaretur cognitio veritatis; nisi cum ea veritate cōcreatæ fuissent animæ. Accedit, quòd neque etiam adeò tenax esset hōminis memoria, neque tam diu seruaret anima notiones